

誠齋集

誠齋集卷第九

廬陵揚 萬里十廷秀

詩

荆溪集

上已

上已春陰政未開
寒牕愁坐冷於灰
凍蠅觸紙飛
還落仰面翻身起
不來
兩冷風酸數日強
老懷不可更禁當
春寒幸自歸
將去喚取重來是
海棠
正是春光最盛時
桃花枝映李花枝
鞦韆日暮人

歸盡只有春風弄彩旗

寒食雨作

雙燕衝簾報禁煙
喚驚晝夢從聳詩肩
晚寒政與花為地
曉雨能令水作天
桃李海棠聊病眼
清明寒食又來年
老來不辨凋新句
報答風光且一篇

垂絲海棠半落

兩後精神退九分
香愁態不勝春落塔
一寸輕紅雪卷地
風來政惱人

寒食相將諸子遊翟園得十詩

兩罷饒晴色
松陰轉午時
堆成李花雪
開遍海棠

枝旋酌新筍酒留題細字詩不來真是枉歌去更
云逢

鹿葱舊種菊新栽幽徑深行忘却回忽有野香尋
不得蘭於石背一花開

柳條老去尚青鮮下有清渠遠野田波面落花相
趁走避風爭泊岸傍邊

儘忙也到翟園休只見春光不見愁屈折海棠園
更密日光下照繡燈毬

小小茅亭短短牕海棠園裡柳中央乍晴萱草渾
無力落盡梅花尚有香

兒曹健走儘從渠老脚微酸半要扶未委前頭花
好否且令蜂蝶作前驅

三月風光一歲無杏花欲過李花初柳絲自為春
風舞竹尾如何也學渠

驅使花枝苦未休平章詩句政宜搜無端一竇西
窓目不遣吾人略小留

花木從渠取次栽青山那肯入城隈翟公不有驅
山手城裡松林底處來

荆溪老守底風流哦就千詩一笑休天教做春無
去處只堆濃綠柳梢頭

三月十日

纔看桃李錦成圍，忽使園林綠作堆。
遠草將人雙眼去，飛花引蝶過牆來。
簿書節裡無多著，懷抱朝來得好開。
已是七分春去了，何須烏語苦相催。

清明兩寒

整冠忽見鏡中霜，挽樹渾無帶上香。
已貯春愁過萬斛，更令細々著升量。

脫却單衣著袂衣，禁煙無有不寒時。
一年好處君知麼，寒食千門挿柳枝。

今年寒食與清明，各自陰晴作麼生。
細雨千絲不

成點如何也解滴檐聲

桃李一空春已歸不須更待絮飛時閉門獨琢春
寒句只有輕風細雨知

苦塔滴雨翠方濃須把寒珠濺鹿葱梅子猶粘雪
前葉海棠生恨夜來風

莫嫌細雨苦飄蕭政要寒聲伴寂寥杏葉猶踈不
成響且將紙瓦當芭蕉

閉戶何緣得句來關牕更倩雨相催只言春色都
歸去小樹桃花政晚開

風歌衆柳自成妍兩泣殘花不忍看急喚麴生嘗

杏子及渠小苦未生酸

題山莊草蟲扇

風生蚱蜢怒鬚頭
紈扇團圓壁月流
三蝶商量探
花去不知若箇是
莊周

清明杲飲

二首

天香引 蘇幕遮 水調歌頭 望海潮

南溪春酒碧於江北地
鵝梨白似霜頰却老人山
作王更加食邑醉為鄉
春光如許天何負兩點殊
踈鷺不妨絕愛杞萌如
紫巖為烹茗椀洗詩腸
深着爇香淺着柶柶行
儘緩莫教催可憐花樹渾
無賴下却簾鉤也入來
雪藕新將削水水葦霜只

好點青梅明年寒食遷家去却憶荆溪花政開

和張侔子儀送鞞紅魏紫崇寧紅醉西施

四種牡丹

朱墨勾添眼底塵今年春盡不知春鞞紅魏紫能
相訪西子崇寧更可人

洛花移種到松江國也天香內樣粧老裡巖邊無
好思為渠覓句却窮忙

次李侔子壽郡集詩韻

蒼壁新煎第二泉博山深炷古龍涎草玄顧我非
揚子能賦如公是仲宣詩社自甘編下戶醉鄉何

若不聞邊窮州地主慙司業不解時時與酒錢

薛舍人母方氏太恭人挽章 二首

熊膽平生苦魚軒脫歲榮芝蘭今柱史苗裔古玄
英寒食花爭泣元宵燭半明從今好時節萱砌罷

君

恭人以上元日
生寒食日死

賦感東征句詩愁陟此篇生前九齡夢眼底五朝
天錦告渾無恙雲車忽香然不堪青竹箏歸路不
迎船 恭人元祐
年中生

櫻桃

櫻桃一兩半彫零更與黃鸝翠羽爭計會小風留

紫脆發動落日弄紅朋摘來珠顆光如濕走下金

盤不待傾天上薦新舊分賜兒童猶解憶寅清子舊

在奉常孟夏太廟薦櫻挑禮官
各分賜曰藍奉常有寅清堂

兩後行郡圃

兩餘行脚古城隈為愛危亭首屢回無數菊苗齊
老去多時花徑不曾來

多稼亭前兩檻芍藥紅白對開二百朵

紅之白之定誰先嫋之嫋之各自妍最是倚欄嬌
分外却緣經兩意醒然晚春早夏渾無伴暖艷暗
香政可憐好為花王作花相不應只遣侍甘泉

論花

者以壯冊王
為藥近侍

小雨

雨纔放脚又還無乘上蕭々半霎餘貯得千珠無
點漏絲窠元自不勝踈

六月喜雨

守臣兩月禱山川詔旨纔頒便沛然不是拾天緣
詔旨憂民天子本如天
玄雲直下素光開兩到前山只恐回霹靂一聲風
一陣為儂催上半天來
今年不是雨來慳不後秧時亦不前自古浙西長

苦澇近來無澇恰三年

和李子壽通判曾慶祖判院投贈喜雨口

號

雷起嘉山半點蒼
飛龍無地著身藏
莫嫌白雨來差晚
但遣黃雲作大穰

塵漲衝頭不識泥
朝來也解滑霜蹄
兩公玉句驚風雨
把翫都忘日脚西

雨早些時打麥殘
雨遲許日即秧乾
阿誰會得天公意
只道今年乞雨難

夢中檐溜作灘聲
幼竹新荷總解鳴
曉色滿城渾

是喜更無一寸旱時情

蕪湖元以水為鄉春早偏欺潤與常一雨忽來三
晝夜兩公卷入八詩章

守臣閱兩畿曾欣兩月天高叫不聞黃紙帶將今
雨至分明端為聖明君

謫仙下筆不曾休句似金盤拓彈流我欲將渠卜
隣著對披蓑笠刺漁舟

南豐每見每津津齋紙松煤幻好春幸與李侯成
二妙更添揚子作三人

曉登多稼亭

過雨梅無半箇黃
冬青枝上雪花香
不須更要風吹面
看着青林意自涼

雨前田畝不勝荒
兩後農家特地忙
一眼平時三十里
際天白水立青秧

尚無池水泛荷香
幸有園英照竹窗
雪白葵花持玉節
柿紅萱草立金幢

六月六日小集

青李來禽已眼明
新瓜入夏見何曾
酒遍忘却人間暑
消盡金盆一文水

新蟬聲澁亦無多
強與嬌鶯和好歌
盡日舞風渾

不倦無人柰得柳條何

兩足曉立郡圃荷橋

郡池六月水方生便有新荷貼水輕
兩後獨來無箇事閑聽啼鳥語昇平

登多稼亭曉望

風不能銷曉霧痕天猶未放宿雲根
城腰摺處繞三徑山紫前頭別一村

午熱登多稼亭

矮屋炎天不可居高亭爽氣亦元無
小風不被蟬餐却合有些涼到老夫

芒鞋葵扇頗蕭然倦倚胡床不是眠避暑無藏身
去處追涼行盡竹旁邊

不是城中是甌中雨餘日色更明紅若為飛上金
山頂獨立長江萬里風

柳外花邊忽颯然好風一點破愁顏岸巾獨倚千
尋樹閑看南雲度北山

御風不必問雌雄只有炎風最不中却是竹君殊
解事炎風篩過作清風

張尉惠詩和韻謝之

下筆生波便百川字間句裡總超然讀來清氣涼

人骨六月真成九月天

軟紅塵裡眼曾開
苦被新詩猛喚回
借問錦心能底巧
更從月脇摘將來

老去才情半掬慳
不愁不退豈愁前
清風明月無拘管
與子分張更一年

卧治齋晚坐

閉戶坐不得開
牕苒微涼樹林蔭
白日几研生碧光
信手取詩卷細哦
三數章初披頗欣
愜再攬忽感傷
廢卷不能讀起行
繞胡床古人恨如
山吾心澹於江
本不與彼謀云何
斷我腸感罷翻自
笑一

蟬催夕陽

憩懷古堂

新葺懷古堂舊臨郭璞池去歲夏徂秋無日不此
嬉茨菰無暑性芙蓉有涼姿今年池水乾老子來
遂稀豈惟來不留亦復去靡思朝來偶一到又覺
景特奇水含霽後光荷於風處歌便有白鷗下鷺
起翠羽飛方池灩胸東長池橫檐西紅綠向背看
鱗詠朝夕宜此堂初無情此池諒何知如何涉斯
世乖逢亦有時

望兩

雲興惠山頂兩放太湖脚初愁望中遠忽在頭上
落白羽障烏巾衣袖已沾渥歸來看檐溜如瀉萬
仞岳霆裂大瑤甕電縈濕銀索須臾水平堦花塢
失半角定知秧疇滿想見田父樂向來春夏交旱
氣亦太虜山川已徧走雲物竟索寞雙鬢愁得白
兩膝拜將剥早知有今兩老懷枉作惡

聞一二故人相繼而逝感嘆書懷

故人昔同朝與游每甚歡豈緣勢利合相得文字
間有頃各補外不見今六年我來荆漢上敲榜索
租錢故人復雙入飛上青雲端我雖世味澹羨心

能愬然忽傳故人去得書墨未乾又傳故人亡驚
悼摧肺肝昂貴良獨佳安貧未遽賢向以我易彼
安知不作難今以彼易我試問誰當慳如何捐此
軀必要博好官顧謂妻與子宮滿當歸田我賤汝
勿羞我貧汝勿嘆從汝丐我身百年庶團藥妻子
笑吞我脩短未易言富貴必速殞郭令當夭殘貧
賤杲永箕顏子壽必延我復吞渠道薄命我自怜
我福肯如郭我德敢望顏造物本畜與我乃多取
旃借令彼不怒退省我獨安汝言自有理我意不

可還

晚步追涼

老眼偏明遠岫孤，夕陽故遣樹陰踈。
蟬鳴葉底無尋處，隨意閑行偶見渠。

風不須多只是涼，穿花度柳到人傍。
細吹病耳颼颼響，徐弄輕衫拂拂長。

荷橋暮坐

橋前荷花兩段開，荷花留我不容回。
不勝好處荷橋坐，政是涼時蚊子來。

池似平鋪綠錦橫，荷花為繡藻為絳。
無端織出詩人像，獨立飛橋摘斗星。

水到荷花帶風生菰葉梢鴻鳧晚聲散天水夕光
交

休日清曉讀書多稼亭

携家守荆溪忽已一暮官舍非不佳懷抱長解怡
若非僮僕病定後兒女啼昔貧嘆不飽今愁豈緣
飢晨起袖書冊急登亭上嬉露痕尚星月風氣無
牕扉頓覺老病身不禁絺綌衣昨暑何可度朝涼
乃爾竒白鳥遠如蝶玄蟬哦似詩松色雪我神荷
香水我脾憂樂忽安在形骸亦俱遺擇子不解事
朝餐呼我婦

多稼亭上望三山中峯獨秀而低

三山道是遠連天亭上看來只近擔可惜當初低
少許三山幸有一峯尖

雨後晚步郡圃

畫舫鳴鈺野寺鐘暮聲驚破翠煙重好風不解藏
天巧彫碎孤雲作數峯

風勒歸雲帶雨回不容老子小徘徊撥忙也到池
亭上昨日卷荷今盡開

曉坐荷橋

雨後晨前絕爽時胡床四面是荷池荷珠細走惟

愁落為報薰風莫急吹
四乘青蘋點綠池千重翠蓋護紅衣蜻蜓空裡元
無見只見波間仰面飛
碧玉山邊白鳥鳴綠楊風裡翠荷聲草花踏碎教
人情為動芒鞋款款行
簾影窺池到藕根水光為我毛朝暎魚兒解作晴
天兩波面吹成落點痕

池亭

小沼纜塔下孤亭恰小邊搭磨一玉鏡上下兩青
天可惜無多水難堪着釣舩今年非不暑每到每

醒然

卧治齋盆池

舊來菰葉已全衰
旋買新荷帶藕栽
看得荷花作蓮子
可怜時節被花催

疑露堂前紫薇花
兩株每自五月盛
開九月乃衰

晴霞艷々覆檐牙
絳雪霏々點砌沙
眞管身非香案吏
也移床對紫薇花
似癡如醉弱還佳
露壓風欺分外斜
誰道花無紅十日
紫薇長放半年花

暮坐中庭

蚊子因涼減蟬聲入暮多有愁無處著不飲歌如
何

食蓮子

蜂不禁人抹蜜忙荷花葉裡作蜂房不知玉蛹甜
於蜜又被詩人嚼作霜

食雞頭

龍宮失曉惱江妃也養鳴雞報早暉要啄稻梁無
半粒只教滿領飽珠璣

暮雨既霽將兒輩登多稼亭

一霎滂池一霎晴檐間點滴尚殘聲水將樹影亂
揉碎月與日光相對明試數六宵還五兩坐令夏
熱作秋清兒曹小住休歸去更聽風蟬子細鳴

苦熱登多稼亭

日脚斜紅欲暮天倚欄垂手弄雲煙兩行相對樹
如許一乘不搖風寂然剩欲啜茶還罷去却愁通
夕不成眠黑絲半把垂天外白雨初生遠嶺邊
吏散庭空便悄然不須休日始偷閒瀟瀟遍野水
水邊屋城外平林林外山偶見行人回首却亦看老
子立亭間暮蟬何苦催歸急只待涼生月半環

暮熱游荷池上

玉礫金沙一逞長暑中無處可追涼獨行行到荷
池上荷不生風水不香

寒毳千尋汲井花病身一浴不勝佳追涼不得渾
閑事燒眼生憎半幅霞

細草搖頭忽報儂披襟攔得一西風荷花入暮猶
愁熱低面深藏碧傘中

也不多時便立秋寄聲殘暑速拘收瘦蟬有得許
多氣吟落斜陽未肯休

空中斗起朶雲頭旋旋開來旋旋收初作鬢鬆松

樹子忽成髣髴柳花迷

月下果飲

恰則天方暮如何月正中一年無此熱今夕絕無
風早藕凝鬆雪新菱剝醞紅醉鄉堪避暑只合著
蓑翁

酒邊無物伴長瓶一顆新蓮一段水月下不風終
是爽燭光何罪也堪憎

一年過暑一番愁六月梢時七月頭今夕追涼還
得熱何時過夏却逢秋
月初生處薄雲生到得雲銷月政明兩處打更如

一處二更還作四更聲

坐久輕雲次第開月光飛入酒杯來今宵只有半
邊月一半桂枝何處栽

斜：花影欲愁予唧唧蟲聲亦變渠月與詩人元
不薄儂於歡伯未應踈

人靜更深丈室虛欲眠聊復小踟躕竹床最冷也
成熱羽扇不涼差勝無

嘉定元年春三月男長孺

編定

端平元年笈五月門人羅茂良校正

誠齋集卷第九終

誠齋先生文集卷六
真光元年五月丙子
蘇州府人羅文
蘇州府人羅文

誠齋集卷第十

廬陵揚柳萬里青
廷秀異眉西

詩

荆溪集

曉坐多稼亭

日光烘碎一天雲
散作濛濛霧滿村
我亦知渠別

無事不教遠岫翠
當門

梳頭有感

身在荷香水影中
曉涼不與夜來同
且拖書冊梳

蓬鬢移轉胡床受
小風

同郡同年總八人七人零落一人存如何獨立薰
風裡猶怨霜花點鬢根

晚涼散策

飯餘浴罷趁涼行偶憩池頭最小亭醉倚胡床便
成睡夢聞荷氣忽然醒
半點輕風泛柳絲忽吹荷葉一時歌芙蓉好處無
人會最是將開半落時

閏六月立秋後暮熱追涼郡圃

上得城來眼頓明暮山爭歛數尖青垂楊舞罷西
風葉一葉多時獨未停

夏歆盡頭秋歆初小涼未苦爽肌膚夕陽幸自西
山外一抹斜紅不肯無

靜坐池亭

胡床倦坐起凭欄人正忙時我正閑却是閑中有
忙處看書綰了又看山
荷邊弄水一身香竹裡招風滿扇涼道是秋來還
日短秋來閑裡日偏長

秋暑

不教老子畧眉開夏熱未除秋熱來一夜涼風吹
歆盡半輪曉日喚將回

汗如雨點湧人膚一一鬚根一一珠不道去年秋
不熱今年秋熱去年無
半柳斜陽半柳陰一蟬飛去一蟬吟岸巾亭子釣
欄角送眼江村松樹林

戲題

蜂居筆管没人知誰遣啾々不住時最是蝸牛太
多事長將宅子自相隨

曉登水亭

露氣仍荷氣秋風更曉風身兼水亭子雙隨玉壺

中

讀元白長慶二集詩

讀遍元詩與白詩一生少傳重微之再三不曉渠
何意半是交情半是私

白蓮

花頭素片剪成冰葉背青瓊刻作稜珍重兒童輕
手拗綠針刺手却渠憎

瓶中紅白二蓮

紅白蓮花共玉瓶紅蓮韻絕白蓮清空齋不是無
秋暑暑被花銷斷不生
揀得新開便折將忽然到晚歛花房只愁花斂香

遷減來早重開別是香
晚花特地歛新粧莫道無情總不妨
中有黃金蓮子盞被人瞥見即深藏

白蓮半蒼未開時看作紅蓮更不疑
到得欲開渾別了玉膚洗退淡胭脂

折得荷花伴我幽更寒荷葉伴花愁
孤芳欲落偏多思一片先垂半不收

早起

不分老鈴下苦來驚我眼
要知月寢處最是欲明天
未了公家事難銷月俸錢
坐曹臨訟罷殘燭正

熒然

曉登懷古堂

度暑過於歲初涼別是天獨穿秋露草來看曉風
蓮病骨殊輕甚幽襟一灑然不妨聊吏隱何必更
林泉

荷橋

橋屣荷梢過花園橋外饒荆溪無勝處勝處是荷
橋

感秋

今歲五十二豈為年少人荷涼攸暑退蟬苦怨秋

新澹慮翻成感彫詩不著塵小兒知得句頻掉小
烏巾

南國初涼日東吳欲盡頭露荷幽馥曉雲月澹光
秋也愛西風爽其如半老休蟬聲與蛩響計會兩
催愁

雨後清曉梳頭讀書懷古堂

宿雨猶涼在晨陰欲霽初移床近秋水正面對芙
蕖團扇淒無彩生衣凜覺踈欲歸仍小住更讀數
行書

蟲響餘宵寂荷粧赴曉鮮梳頭花霧裡照水柳風

前舊雨仍今雨新年勝故年登城有佳眺秋稼正
連天

午坐卧治齋

雨後朝陰到午晴空齋孤坐納秋清一蟬也解憐
幽寂柳外飛來葉底鳴

謝丁端叔直閣惠永嘉鬆研句容香萸

元珍先生出雲孫雪竹有節豹有文染雲作句本
天巧鏤水生花無手痕鵝鷺行遍舊聯翼天祿閣
中今獨直半竿淮水將渠歸一笑荆溪豈人力贈
我阿泓非姓陶木家居士漆園曹急呼陳玄導黑

水花暈千層吹海濤句容銅山擣金屑幻出羽淵
三足鼈兩耳踰有一腹鱗解吐黃雲香刮骨双珍
投贈感故人禿翁有筆今無神盃水博詩元不直
曾執覆却那作嗔阿泓處分蛛絲裡延置銅君上
坐奠茶剥芡對爐薰遮莫白駒隙中過

檜逕曉步

老檜陰：夾古城露叢迎貫日華明曉涼無箇人
分却一逕深長獨自行

兩歇林間涼自生風穿逕裡曉逾清意行偶到無
人處驚起山禽我亦驚

謝允延之提舉郎中自山間惠訪長句

淮南使者即官星瑞光夜燭荆溪清平生龐公不
入城令我折却屐齒迎交遊雲散別如兩同舍諸
郎半為土二老還借兩鬢霜三更重對孤燈語向
來南宮綾錦堆南窓北窓桃李開先生誦詩舌起
雷一字不似人間來剡藤染出梅花賦句似梅花
花似句幾年金鑰秘銀鈎玉笈不施恐飛去秋風
呼酒荷邊亭主人自醉客自醒儂能痛飲渠不飲
飲與不飲俱忘形鬢髮今如霜心如水功名一念扶
不起儂歸螺山渠惠山來歲相思二千里

小集食藕極嫩

比雪猶鬆在無絲可得飄輕拈愁欲碎未嚼已先銷

秋懷

隨分哦詩足散愁老懷何用更宜搜
韋來胥宇蟻移穴無以為家燕入秋
蓋世功名吹劍首平生憂患浙矛頭
從今歸去便歸去未到無顏見白鷗

七月既望晚觀菱壕

官壕水落兩三痕正是秋初雨後天
菱荇中間開一路曉來誰過採菱船

新涼感興

初退生衣進熟衣
新涼只與睡相宜
草爭人迹微
踈處荷怯秋風
欲動時又是一
年將過眼如何
兩鬢實不成絲
中元節後
新來懶草
再統抄第二詩

七月二十五日曉登多稼亭

風將煙雨入亭
寒城引山林
拓眼寬
六月登臨
渾覺熱朝來
不敢傍危欄

凝露堂木犀

雪花四出
剪鵝黃金屑
千麩
搽露囊
看去看來
能纖大如何
着得許多香

夢騎白鳳上青空
徑度銀河入月宮
身在廣寒香世界
覺來簾外木犀風

中秋前一夕携酒與子仁姪登多稼亭

月忽飛來隨我傍
我還飛入月中央
如何挂樹許多影
不隔水輪些子光
自古中秋多苦事
非風即雨斫人腸
醉來不信寒欺酒
露濕盃盤凍作霜

觀蟻

偶爾相逢細間途
不知何事數遷居
微軀所饌能多少
一獵歸來滿後車

一騎初來隻又雙
全軍突出陣成行
策勲急報千

丈長渡水還爭一葦杭

中秋無月至十七日曉晴

劣到中秋雲便興中秋過了却成晴霧橫平野村
村白日上踈林葉々明歲事不應如許早朝來已
覺嫩寒生春吟不似秋吟好覓句新來分外清

重九前五日再游翟園

翟園不到纔幾日寒梢冷葉秋蕭瑟只有黃花數
點明上照青松下蒼石記得春頭來此嬉梅花太
瘦杏花肥巷南巷北皆春色恰似吾人年少時忽
怪翟園如許老園應笑我衰容早來歲春光更一

來我衰依舊園還少

送子仁姪南歸

酒為吾人綠花知九日黃風燈秋焰冷霜鴈夜聲
忙愛子文無對嗟予老更狂相分即相見不待半
年強

再歲來相歎三盃忽語離恐將垂老淚滴作送行
詩子去儂猶住身留夢亦隨南溪舊風月千萬寄
相思

食老菱有感

幸自江湖可避人懷珠韞玉冷無塵何復抵死露

頭角荇兼荷花老此身

醉吟

古人亡古人在古人不
在天應改不留三句五句
詩安得千人萬人愛今人
只笑古人癡古人笑君
君不知朝來暮去能幾許
兼落花開無盡時人生
須要印如斗不道金槌控
渠口身前只解皺兩眉
身後還能更盃酒李太白
阮嗣宗當年誰不笑兩
翁萬古賢愚俱白骨兩翁
天地一清風

和丁端叔菊花

忽忽還重九勿々又歲華
不妨將白髮剩與揄黃

花

懷山莊子仁姪

危亭獨上忽徬徨
欠箇山莊隨我傍
却是向來相聚日
老懷未解憶山莊
吾家小阮未西歸
日日相從郡圃嬉
黃菊拒霜今笑我
先生也有獨來時

張子儀太社折送秋日海棠

新樣西風較劣些
豈重陽還放海棠花
春紅更把秋霜洗
且道精神佳不佳

木葉籬菊總無光
秋色今年付海棠
為底夜深花

不睡翠紗袖上月如霜

晚登淨遠亭

重陽纔過便新寒去歲如今暑尚殘雲外鴈來元
不覺一聲喚我舉頭看
簿書纔了晚衙催且上高亭眼暫開野鷗成群忽
驚起定知城背有船來

黃菊

鷓鴣樣衣裳錢樣裁冷霜涼露濺秋埃比他紅紫開
差晚時節來時畢竟開

曉登子城

鞋響新霜後襟膾野日初寒溪半灣落遠樹一行
踈老矣端何苦歸哉不願餘終更猶半歲作麼度
居諸

多稼亭前黃菊

危亭俯涼圃落葉日夜深佳菊獨何為開花得我
心韻孤自無伴香淨暗滿襟根器受正色非緣學
黃金獨違春光早而俟秋寒侵豈不愛周年坐令
淹寸陰柰此清苦操媿入妍華林向來朱碧叢亦
復悴斯今清霜慘萬象幽芳耿森森持以壽君子
聊爾慰孤斟

促織

一聲能遣一人愁，終夕聲。曉未休，不辭繅絲替
人織。強來出口促衣裘。

迓使客夜歸

去時片樹日猶明，歸到別橋月已昇。水與天爭一
輪，玉市聲人語兩街燈。迎來送往鬢成雪，索筆題
詩硯欲水淨洗紅塵。煩碧酒倦來不覺睡，騰騰
病後霜威不見饒。吟遍月色苦相捺，重簾垂地寒
猶入畫燭無風影。自搖誰遣塵埃空，老去何曾鷓
鷯不吾招。坐來已是愁無奈，草露虫聲政寂寥。

起視青天分外青滿天一點更無星忽驚平地化
成水乃是月華光滿庭簞下何知有前輩醉中未
肯赦空瓶兒曹夜誦何書冊也遣先生細聽
病身已怯九秋涼也復移樽下砌傍只愛盃中都
是月不知身上寸深霜清愁舊覺天來遠寒夜新
添歲樣長不是傍人俱欲睡老人無睡亦何妨

城頭秋望

秋光好處頓胡床旋喚茶甌淺著湯隔樹漏天青
破碎驚風度竹碧勿忙

未得霜晴未是晴霜晴無復點雲生鷺鷥不遺魚

驚散移脚惟愁水作聲

生酒歌

生酒清於雪，煮酒赤如血。煮酒不如生酒烈，煮酒只帶煙火氣。生酒不離泉石味，石根泉眼新汲將。麴米釀出春風香，坐上豬紅間熊白。甕頭鴨綠變鵝黃，先生一醉萬事已。那知身在塵埃裏。

夜雨

幽人睡正熟，不知江雨來。驚風颯然起，聲若山岳摧。起坐不復寐，萬感集老懷。憶年十四五，讀書松下齋。寒夜耿難曉，孤吟悄無儕。虫語一燈寂，鬼啼

萬山哀雨聲正如此世心滴不灰即今踰知命已
先十年衰不知後此者世心肯更回舊學日蕪蕪
書冊久塵埃聖處與天似而我老相催坐念慨未
已東窗晨光開

芭蕉雨

芭蕉得雨便欣然終夜作聲清更妍細聲巧學蠅
觸紙大聲鏘若山落泉三點五點俱可聽萬籟不
生秋夕靜芭蕉自喜人自愁不如西風收却雨即
休

雨中懶困

城頭歌上苦新泥暖氣薰人軟欲癡睡又不成行
不是強來看打洛神碑

胡達孝水墨妙絕一世為余作枯松孫枝
石間老栢謝以長句

東齋歸自浣花里訪我弄泉惠山趾隨身萬里只
孤舟一簪不曾著行李忽拈遠物出袖中乃是孔
明廟前古栢闌州松徑從平地便起立上穿屋瓦
到青穹老蛟脫鱗乾見骨厥孫碧絲作鬚髮石間
霜皮二千尺石似孤根根似石硬根瘦榦未要論
葉間猶帶漢唐春歲久亦無苔蘚痕只有雪山之

雪玉墨雲却收松栢半天裡
儿上捲來一張紙

苦吟

蟻無秋衣鴈有喪霜天謀食各自愁
鴈聲寒死叫不歇蟻膝凍僵行復休
先生苦吟日色晚老鈴來催喫朝飯
小兒誦書呼不來案頭冷却黃蘗麵

晚衙野望

上却城來忘却歸迎他來鴈送他飛
可憐烏白能緇素却被清霜染作緋

毘陵郡齋追憶卿味

坐無黃雀牛尾狸荆溪日日思
江西若無鵝梨與

海錯江西却恐思荆溪舊居江西不自惜到得荆
溪却追憶明年官滿歸江西却憶荆溪難再得江
珍海錯各自奇冬裘何曾羨夏絺鵝梨黃雀無不
可荆溪江西不關我

和章漢直

宛水吹波解舫齋南徐吊古上高臺岸巾過我燈
前語贈句清於月底梅對著酒船手持蟹管渠秋
井骨生苔壁間挂舌那能許一斗百篇真快哉

曉坐卧治齋

夜風甚細不勝酸霜落無聲只是寒日上東窓無

箇事送將梅影索人看

行圃

飯罷來窺園晴路忽流水石子淨無塵一一濕如
洗夜來元無兩霜消痕尚雨穉子有素約杖屨從
我戲老夫偶獨先穉子久不至初心一何樂中路
慘不喜悵望行復歇回顧亦三四行逢木葉開攀
翻嗅霜葉

壕上

壕上朝來眼頗明小風淺水偏秋清新露殺盡萍
萍草放出靴紋水面生

白髮嘆

素絲久即黑黑鬢久即絲絲黑有浣法鬢絲無染
期日月有底忙晝夜馳向西江漢與之友却向東
方馳江漢西流日東落鬢絲漆黑還如昨夜長何
不秉燭游自是人生不行樂

紅葉

詩人滿腹著清愁吐作千詩未肯休
偏壁間無去處却將紅葉強題秋

送葵定夫提舉正字使廣東

國朝以來妙人物近世獨數乾道
年后皇乃武再

開闢欵頌東海洗乾坤九洲探珠岩抹璞天地為
網罟群賢玉堂金鉉貯稷契蓬山壁水俱崔班追
還慶曆元祐初突過正觀開元前麟臺正字葵夫
子乃祖元是四諫官風流文采已碧梧忠義慷慨
仍青氈折檻旧痕故無恙后皇是日動龍顏嚴霜
烈日照鸞鷲一身似乘飄淮堧柴門僵卧三臘雪
魚釜僅續一線煙后皇九重念五嶺生愁兩露南
方乾詔謂正字當居中肯為朕行綏百蠻梅花迎
笑錦囊古南斗退避文星寒動搖山岳細事耳約
東海若收波瀾坐令百姓萬里外墮在二陝三輔

間擯柳紅時芝泥紫歸來徑着侍臣冠我家江西
更西處白鷺洲對青原山公歸肯訪老翁否酤酒
滿眼未必然青髯白飯聊隨緣

齋房戲題

長瓶舉我充自代短檠留人為莫逆醉鄉無日不
瓜時書圃何朝無菜色欲從舉者便彈冠回顧石
交難割席子墨客卿善運籌更問渠儂次去留墨
卿轉問子虛子欲說還忘一笑休

太平寺水

郡人徐友盡
清濟貫河

太平古寺却灰餘夕陽惟照一塔孤得之來看還

不樂竹莖荒處破殿虛偶逢老僧聽僧話道是壁
間留古畫徐生絕筆今百年祖師相傳妙天下壁
如雪色一丈許徐生畫水纔盈堵橫看側看只麼
是分明是畫不是水中有清濟一線波橫貫萬里
濁浪之黃河雷奔電卷儘渠猛獨清元自不隨他
波痕盡處忽掀怒攪動一河秋色暮分明是水不
是畫老眼向來元自誤佛廬化作金拖樓銀山雪
堆風打頭是身飄然在中流奪得太一蓮葉舟僧
言此畫難再覓官歸江西却相憶并州剪刀剪不
得鵝溪足緇官莫惜貌取秋濤懸坐側

水紋

池面火風起煙痕一拂微無形還有影掠水去如
飛

初作眉頭皺還成篔簹面班小風來不住織遍一池
間

一鷺先立池中有雙鷺自外來先立者逐
之雙鷺亟去莫敢敵者

鷺鷥各自有食邑長恐諸侯客子來一鷺忽追双
鷺去窮追盡處始飛回

晚風寒林

已是霜林葉爛紅那禁動地晚來風寒鴉可是矜
渠點踏折枯梢不隨空

樹無一葉萬梢枯活底秋江水墨圖幸自寒林俱
淡筆却將濃墨點栖烏

霜夜無睡聞畫角孤鴈

畫角聲從枕底鳴愁霜怨月不堪聽擁袖起坐何
人伴只有殘燈半暈青

梅邊玉瑄月邊橫吹落銀河與曉星城裡萬家都
睡着孤鴻叫我起來聽

飯罷登淨遠亭

今歲寒應少冬深氣轉和都緣徑差曲添得步行
多柳色猶青在霜威柰爾何忽然雙野鴨飛下一
池波

愁於望處一時銷山亦霜前分外高拘杞一叢渾
落盡只殘紅乳似櫻桃

豫章王集大成惠我思古人實獲我心八

詩謝以五字

孤嗜難衆悅今聽非肯絃美人西山秀截茹飲澗
泉雪蕞韞明月水棹刺野船寶履耿不掩球聲忽

復聞者已瞠若鬻之諒悠然良環彼何憎擊缶
俗所便老我詎能聰妙音誤至前古人子所思而
我豈古賢借不滿子賞能不聊子歎故家富彥士
梧竹映芝蘭紫餘乃祖橐朱遍群從轡迅趾豈地
行逸翎當雲騫昂哉塲羊角何必懷西山

不寐聽雨

雨到中宵寂不鳴只聞風拂樹梢輕瓦溝收拾殘
零水併作檐間一滴聲

送張元直尉益官 二首

壁水寒齊客春闈擢挂卽折腰端小耐整鬪未須

忙德進官無小詩癯
譽更香會看兩鷓鴣
飛下蓼灘傍

溧水孟東野南昌梅子真
平生一少府千載兩高人
白馬松梢寺朱旗雪外春
村行如得句寄我大江濱

和胡運幹投贈

詩似離騷與國風
一襟塵土為君空
來從月脇天心外
隨在水甌雪梳中
判却青燈窮活計
早歸紫禁策元功
麪生未怕愁城峻
聊遣渠儂為九攻

夜雨獨覺

枕上還鄉枕上回更更點點把人催雨將苔砌滴
到曉風揀荻簾踈處來每到凋年每多感不教睡
眼不曾開來宵我識拳胥路莫近茶甌近酒盃

夜聞風聲

作寒作暑無處避開花落花儘他意只有夜聲殊
可憎偏攬愁人五更睡幸自無形那有聲無端樹
子替渠鳴斫盡老槐與枯柳更看渠儂作麼生

詠壑

庾郎晚菘翡翠茸金城土酥玉雪容如何俱隨瑤
甕中却與醯雞同閻宮金井銀床水清泚雪山水

谷盭輕脆秋風一月釀得成字曰受辛非麴生太
學儒生朝復暮茹冷啜寒那可度十年雪汁凍蔬
腸一夜飢雷聽更鼓不如甕頭吏部甕頭醒一逢
受辛還一醒畢阜與雨同死生

嘉定元年春三月男長孺

編定

端平元年夏五月門人羅茂良

校正

誠齋集卷第十

終

補遺集卷第十

補遺集卷第十

補遺集卷第十

補遺集卷第十

補遺集卷第十

補遺集卷第十

補遺集卷第十

補遺集卷第十

補遺集卷第十

補遺集卷第十

補遺集卷第十

誠齋集卷第十一

廬陵楊萬里

詩

荆溪集

蟹醬

忽有瓶罌至捲將江海來
玄霜凍龜殼紅霧染珠胎
魚鮓兼鰕鮓奴才更婢才
平堪一飯斷送更三盃

池冰

池底枯荷瘦不勝
池冰新琢玉壺凝
如何留到炎

蒸日上有荷花下有水
怕寒不敢上高臺上得高臺急々回日欲消水風
不允天猶未夕月先來

節日新暗歸自天慶

初日明鴈腹酸風迎馬頭如何一雨過添却滿城
秋樓觀色俱喜槐榆影獨愁節中公事少吏散得
吾休

城上野步用輓轡體

寒勁無遺暖暗行失老懷葉飛楓骨立萍盡沼蒼
開路好仍回首泥殘敢放鞋登臨不須盡留眼要

重來

時眺

野意隨宜有山先入望無寒曉不自暖落木幾曾
枯不分霜前樹長啼月下烏苦吟徐便悔可惜數
莖鬚

霜曉

霜重曉未覺日高融始寒空墻半根濕落葉片聲
乾

晚興

老來懷抱向誰開歲晚無花薦一盃
分新霜且

留菊辟差寒日早開梅只教詩句清如雪看得榮
名細似埃管葛諸人端解事也曾遣我笑渠來

暮寒

過鴈雙仍急寒鴉隻已多絕憐暗色好無奈暮寒
何眼病書休讀心勞句尚哦先生窮事業此外豈
無他

酒蛤蜊

飲者憐渠有典刑見渠借箸眼偏青平生開口不
論事晚歲搜腸求獨醒

蒲桃乾

涼州博酒不勝癡銀漢乘槎領得歸玉骨瘦來無
一把向來馬乳太輕肥

黎

樹冠大谷肯于時飢坐風流特地竒骨裏馨香衣
不隔胷中冰雪苗偏知賣漿碎搗瓊爲汁解甲方
憐玉作肌老子醉來渾謝容見渠倒屣只嫌遲

蠟燭

未夜身先卧不春花已開泣殘雙淚雨愁得寸心
灰

小立淨遠亭

清景無終極頻來未屬厭
遠山秋後出茅屋
近來添

新晴晚步

冬來暮暮雨絲絲
竹徑梅坡迹頓稀
作意新晴聊
一出行逢濕路却成歸

探梅

春傍梅梢瘦
麴回小花未忍折
將來却緣久住成
幽事剝看南枝一度開

和王司法雨中惠詩二首

絕憐法曹三尺喙
不辨太倉五升米
胡奴走送今

寂然公路如何令至此春花秋月千首詩一字不
曾堪療飢黃獨已空饒底用玉徽凍脫琴爲炊窮
鬼偏隨天下士再結柳車君但試不應滿腹貯六
竒豈有逐貧無一計詩中哀怨海樣深青燈搔首
夜沉沉一尊往慰風雨晚莫管帶圍寬一眼無那
詩愁着莫人風顛雨急更昏昏登臨無地可散策
剝啄阿誰來叩門安得與渠呼玉酒醉餘同看落
金盃齋厨索寞如懸罄慙媿酸寒遣一尊

惠泉酒熟

敲冰汲山泉炊玉釀霜醅忽然油成泓失却瓊作

堆抱甕輸竹渠瓶注銀盃銀盃不解飲傾瀉入我
懷酒聖九五傳道統到吾脩誰云孟氏醇軻死不
傳來醉鄉天張幕稽丘麴爲臺吾欲往相宅今夕
未擬回

晝倦

愛日曛人欲睡昏自勻嫩火炷爐薰蜘蛛已去惟
存網猶罥窻間一隻蚊

戲題水墨山水屏

擢郎大似半邊蠅摘蕙爲船折草蓀今夜不知何
處泊浪頭正與嶺頭平

以糟蟹洞庭甘送丁端叔端叔

有詩因和其韻

斗別只解寄鴉毛鼎肉何曾饋百宰驅使木奴供
露顆催科郭索獻霜螯鄉封萬戶只名醉天作一
丘都是糟却被新詩太清絕喚將雪虐更風饕

晚坐

拂曉文書已罷休却披詩卷散閑愁只驚兩眼生
光彩日到東窻半角頭

凍蠅

隔窻偶見負暄蠅雙腳按浮弄曉晴日影欲移先

會得忽然飛落別窻聲

壕上書事

十里長壕展碧漪
波痕只太不曾歸
鷺鷥已飽渾無幹
獨立朝陽理雪衣

霜

天欲吹霜不作難
連宵也費許多寒
新裝瓊甲爲蔬甲
仍化朱欄作玉欄

冬至前三日

故山千里幾時回
又見初陽動瑄灰
酒不逢人還易醉
詩如得句偶然來

鴉

穉子相看只笑渠，老夫亦復小盧胡。
一鴉飛立釣欄角，子細看來還有鬚。

朝飯罷登淨遠亭

近水孤亭迥縈城，一徑斜霜林鳥鵲。
園冰岸鷺鷥家，殊覺冬曦暖。還拈小扇遮傳呼，
惠山水來淪建溪茶。

近節

節裏非無事，忙中自有閑。因風煩白鳥，折簡喚青山。
詩卷一兩冊，齋房三四間。興來長得句，却道在

塵寰

冬日歸自天慶觀

逗曉清寒未苦嚴
輕霜隨分點茅簷
霧中失却溪邊寺
不見浮屠只見尖

節裏人家笑語饒
日高猶自燭光交
霜林遮眼八九葉
露竹出牆三四梢

蠟梅

粟玉圓彫蕾金鍾細著行
來從真蠟國自號小黃香
夕吹撩寒馥晨曦透暖光
南枝本同姓喚我作它揚

蠟梅

蜜蜂底物是生涯
花作餵糧蠟作家
歲晚略無花可採
却將香蠟吐成花
眉間蜜酒發輕黃
對着詩人不惜香
金作仙衣元自冷
月中仍帶一身霜
蒼頭元不是花房
融蠟熬酥戲滴將
忽見微舒金爪甲
不知中有紫香囊
江梅珍重雪衣裳
薄相紅梅學杏裝
渠獨小參黃面老
額間艷艷發金光

霜寒輓轡體

滴地酒成凍喧天鴉訴寒窻風經怒響簾日漏溫
痕偶爾尋梅去其如駐屐難沙鷗脚不韋故踏冰
翻

今晚難離火平生不擁爐只緣青女降便與管城
踈淡日明還暗微暄有似無誰能忍寒得苦死去
看書

苦寒

畏暑長思雪繞身苦寒却願却回春晚來斜日無
多暖映着西窻亦可人
添盡紅爐着盡衣一盃方覺暖如癡人言霜後寒

無奈春在甕中渠不知
冰和菜把菜和冰心喜冬
蒞齒却憎且忍牙車寒
一點教他宵次雪千層

晚暗獨酌

冷落盃盤下箸稀今年淮白較來遲
異鄉黃雀真無價稍暖瓊酥不得時
霜熟寒輕際晚時簾間過影一鴉歸
夕陽端與誰爲地只照游塵絮樣飛

城頭曉步

古城秋後不勝荒人跡新行一逕長
竹影已搖將

午日草根猶有夜來霜

城東行遍却城西欲問梅花乞一枝雪糝久團霜
後朶嗔人頻看故開遲

送丁牧仲新除奉常寺簿入朝

帝念潛龍雪卽臣竈光玉樹照青春家藏履舄星
辰舊天借旂常日月新從此雲霄君穩步向來鶴
鷺我曾鄰曲臺簿正多廊廟西府璇樞是一人

樞今

密錢公嘗
為奉常簿

贈節推學士

癸篇驚倒漢廷臣一眼元無四海人天下無雙聊

小却洛陽年少是前身雲鵬飛上偏嫌早霧豹深
藏更幾春寬作十年相見著剩將風雪試松筠

懷古堂前小梅漸開

梅邊春意未全回淡日微風暗裏催迤水數株殊
小在一梢雙朶忽齊開生愁落去輕々折不怕清
寒得々來腸斷故園千樹雪大江西處亂雲堆
隨意行穿翠篠林暗香撩我獨關心遙看小朶不
勝好走近寒梢無處尋未吐誰知層底雪半開猶
護蘂頭金老來嬾去渾無緒奈此南枝索苦吟
絕艷元非著粉團真香亦不在鬢端何曾天上水

玉質却怕人問霜雪寒枝似去年仍轉瘦花於來
歲定誰看老夫官滿梅應熟齒軟猶禁半點酸
揀得疎花折得回銀瓶冰水養教開忽然燈下數
枝影喚作窻間一樹梅歲律又殘還見此我頭自
白不須催相看姑置人間事嚼玉餐香噉一盃

雪中登淨遠亭

犯雪來登淨遠亭飛花着水旋成冰瓊田萬頃珠
千樹真在瑤臺十二層
數片初飛點砌苔須臾不覺玉千堆去年無雪非
無雪留作今年一併來

壕水深清一鏡如天傾瑤屑打成酥瑠璃缸面熬
瓊粥釀出珠宮白玉腴
忍却清寒得々來不堪騎吏苦相催鴈穿銀色界
中忝人到水晶宮裏回

和趙鼎輔府判投贈賀雪之句

登城放目雪光中萬水千山一色同逗曉月華猶
在地未春柳絮已隨風忽傳別駕贈佳句道是頻
年當屢豐然斷冰鬚愁寡和玉花飛繞正濛々

觀雪

銀屋瑤塔頃刻成緩飄急灑總無聲屑雲作粉如

何濕瑤玉爲花乃爾輕空裏仰看元不見日光未
透不妨晴滿庭更遣遲銷着剝借書牕幾夜明
坐看深來尺許強偏於薄暮發寒光半空舞倦居
然嬾一點風來特地忙落盡瓊花天不惜封它梅
蘂玉無香倩誰細杪成湯餅換却人間煙火腸

和吳寺丞喜雪

珠唾餽鈎贈一通炯如密雪隨寒空飛來數片不
需袖剪出六花全是風骨冷塊清殘醉裏日光玉
潔晚晴中先生秀句今無敵誰誦相如奏舜瞳

雪晴

銀色三千界瑤林一萬重新晴天嫩綠落照雪輕
紅兒劣敲冰柱身清墮蘂宮何須師鮑謝詩在玉
虛中

晴後雪凍

負暄尚覺日無功炙手仍愁火失紅本是雪前風
作雪却緣雪後雪生風四郊凍合如相約七日晴
來不肯融舊說辭鄉堪避暑避寒也合此鄉中

和丁端叔喜雪

天將一雪淨乾坤便恐湯泉亦不溫瑤草忽生無
種子梅花寒損要溫存清游未到先回棹高卧何

如且閉門珍重故人貼妙語追還正始最初元
雪凍未解散策郡圃

積雪偏工霽後凝不妨冷極不妨清靜聞簷滴元
無雨倒挂冰牙未怕晴獨往獨來銀粟地一行一
步玉沙聲圃中散策饒君強敢犯霜風上古城
雪後十日夕暖雪猶未融

地凍雪起立簷生水倒垂日穿銀筍透風琢玉山
歇今曉還差暖清寒退尚遲生愁便銷太將底伴
吟髭

殘雪

殘雪堆成山數重懸崖幽竇玉玲瓏如何惜得仙人掌
擎取瓊瑤三四峯

多稼亭日色甚暖忽有雪數片自
暗空而下已而復無

霽日何曾惹寸雲忽飛些子雪如塵不知底處天
花落風裏吹來數點春

兒啼索飯

飽暖君恩豈不知小兒窮慣只長飢朝々聽得兒
啼處正是炊梁欲熟時

寒雀

百千寒雀下空庭小集梅梢話晚晴特地作圍噴
殺我忽然驚散寂無聲

晚眺

晚暖好登臨吾衰也不禁雪殘千嶂玉日落萬梢
金

雪夜候迎使客

六花不放一塵生晴後猶餘十日凝新月未光輪
與雪夜風儘冷只留冰候迎銀漢搔頭客挑盡玉
蟲窻下燈絨帳蒲團地爐煖自憐不及草庵僧

燭下梅花

燭下一枝梅欲開猶未開
渾如玉冠子戴月上瓊臺

窗外雪猶凍瓶中梅不開
燭花將暖氣催得早春回

燭下瓶中江蠟二梅

江梅蠟梅同日折白晝看來雨清絕
如何對立燭光中只見江梅白於雪

使客不至夜歸獨酌

使客夜不至還舍飲小歇
盃盤只草々足可相煖
熱庭前雪夜明道是簾外月及見盤中酥喫作庭

前雪

謝趙行之惠霜柿

紅葉曾題字烏捍昔擅場凍乾千顆蜜尚帶一林
霜枝有都無底吾衰喜細嘗慙無瓊玖句報惠不
相當

謝葉叔羽總領惠雙淮白

寶奩寡貢笑權臣筠掩分甘荷故人天下衆鱗誰
出右淮南雙玉忽嘗新未知丙穴果何似只恐子
魚無此珍敢遺腹腴勸年少一盃端合壽吾親
情知此味飲中環暖律何緣到死灰去歲海紅猶

間識今年淮白不曾來一寒尚有絳袍贈雙鯉仍
隨尺素回厚祿故人書盡絕只餘計相解相哀

詠酥

似膩還成爽纔凝又欲飄玉來盤底碎雪到口邊
銷

送客歸登淨遠亭

犯寒送客只勞神上到危亭眼頓新雪汁滴人清
入髓莫將衫袖障頭巾
池水動處水生瀾未覺今朝抵死寒便恐雪銷難
再得不辭鞋濕數來看

和范至能參政寄二絕句

生憎鴛鴦只盈前忽覽新詩意豁然錦字展來看
未足玉蟲挑盡不成眠
夢中相見慰相思玉立長身添點髭不遣紫宸朝
補袞却教雪屋夜哦詩

卧治齋夜坐

今年一雪徧江淮半月晴光凍不開孤坐郡齋人
寂々一枝紅燭兩瓶梅

十一月二十八日雪至十二月十日
聞金一日日色方暖積雪始融

日華今日始微暄次第梅花暖更妍只有樹陰偏
得意白它殘雲不還天

稗子弄水

稗子金盆脫曉冰彩絲穿取當銀鉦敲成玉磬穿
林響忽作玻璃碎地聲

寄題石湖先生范至能參政石湖精舍

萬頃平湖石琢成尚存越壘對吳城如何豪傑于
戈地却入先生杖屨聲古往今來真一夢湖光月
色自雙清東風不解談興廢只有年年春草生
不聞白眼視青雲四海如今幾苦人渭水傳巖看

後代東坡太白即前身整齊宇宙徐揮手點綴湖
山別是春解遣雙魚傳七字遙知掉脫小烏巾

和丁端叔歲晚書懷

嗟予不能知止如邴曼容又不能畢昏如尚子平
軟紅塵裏白雙鬢坐見歲律空崢嶸催科撫字兩
何有伎倆已窮慙九之拔薤一本水一杆多謝同
朝金石友雪欺老病忽抵巇西山凍裂不留薇詩
壇老將更黥戎我已三北猶窮追老懷不中數怙
悵急漉鵝黃翻甕盎苟留殘雪更些時爲我裝嚴

麗譙上

郡圃殘雪

半依籬脚半依城多傍梅邊水際亭最是晚晴斜
照裏黃金日射萬銀星
南風融雪北風凝晚日城頭已可登莫道雪融便
無跡雪融成水水成冰
城外城中雪半開遠峯依舊玉崔嵬池水綻處纔
如線便有鴛鴦浮過來

月夜觀雪

仙人愛雪不嫌寒挈月來看夜不眠游遍瓊樓霜
欲曉却將玉鏡掛青天

月光雪色兩清寒見月初疑是雪團看得雪光還
似月元來雪月一般々
月色還將雪色同雪光却與月光通都將大地作
月窟仍勝碧天名雪宮

雪晴窻開展唐詩得一片桃花

張然賦之

偶開詩卷雪窻晨中有桃花片尚新却憶携詩花
底看回頭又是一年春

梅露堂燕客夜歸

藥玉船中酒似空水沉煙上雪都融梅堂客散人

初靜椽燭燒殘一尺紅

城壕冰泮

雪力平欺半月暗東風今日始開冰長壕徹底都
銷盡只有梅陰玉一稜

櫻桃煎

含桃丹更園輕質觸必碎外看千粒珠中藏半泓
水何人弄好手萬顆搗壺脆印成花鈿薄染作冰
澌紫北果非不多此味良獨美

嘉定元年春三月男

長瑞

端平元年夏五月閃羅

茂良

誠齋集卷第十一終

誠齋集卷第十二

廬陵楊中万里題廷秀

詩

荆溪集

郡圃雪霽便有春意

臘傍梅梢盡春從水底歸
草拳擎雪健桃糝隔年肥
夜々還鄉夢心々逐鴈飛
誰言五斗米便勝北山薇

郡圃雪銷已盡惟餘城陰一街雪

陽林日暖雪全銷陰逕瓊瑤尚寸高
半疋斜鋪白

花錦倩誰裁作水霜袍
更擬尚卜高半五
掃餘白

晚望

天隨楸枰作稻畦
啼烏振鷺當枯棊
不論勝負端
何似黑子終多白
子稀
送客歸至郡圍殘雪銷盡
三日東風入萬家
草間殘雪不留些
兒童道是雪
猶在笑指梅花作雪花

陳能之少卿殿撰挽詩

玉立頌臺上風生憲府中
雪霜欺兩鬢日月照孤
忠苛橐相將紫銘旌作廢紅
北堂萱草露應灑碧

梧桐

梅花數枝蓼雨小瓷瓶雪寒一夜
入春二瓶凍裂剥出二水精瓶梅花在
焉蓋冰結而爲此也

何人雙贈水精瓶梅花數枝瓶底生瘦枝尚帶折
痕在隔瓶照見透骨明大枝開盡花如雪小枝未
開更清絕爭從瓶口迸出來其柰堪看不堪撥人
言水精初出萬壑時欲凝未凝如凍脂上有江海
花正盛吹折數枝墮寒鏡玉工割取到人間琢出
瓶子和梅看至今猶有未疑處瓶裏水珠走來去

只愁窗外春日紅瓶子化作亡是公
水穀表來亦
外立
遣人探梅翟園云尚未開
東隱人間
傳語翟園千樹梅不應嘉苴索詩催今年雪後悄
無信去歲臘前強半開我欲明朝携酒去花須連
夜喚春回東風肯報南枝否待醺東風三百盃

十二月二十一日迎春

星淡孤螢月一梳迎春早起正愁予
土牛只解催人老春氣自來何事渠
官柳野梅殘雪後金幡玉勝曉光初
却思歸跨春山犢
爾粟仍將掛漢書
已亥正月二日送李伯和提幹歸豫章

伯和來自西山西之山爽氣在睫眉目中八索貯
奇古筆下九河走風雨君不見李家人物它家無
老蚌一產俱明珠郎罷致身已碧落衆雛爭先見
頭角伯珍魁名北斗傍仲簡拂脚鴛鴦行如何伯
也袖兩手却忝外臺作賓友荆溪病守鬢星星一
見鄉人雙眼明白雲飛處忽心動不堪折柳還相
送我自爲客仍送君梅邊雪裏正新春還家燈火
更青簡給札蘭臺未渠晚

正月三日驟暖多稼亭前梅花

盛開

春被梅花抵死催
今年春白去年回
春回十日梅初覺
一夜商量一併開
絕愛西湖踈影詩
要知猶是未開時
如今開盡渾無縫
只見花頭不見枝
初開猶見蒂和心
今日來看花滿林
日照一團都是雪
更無紅蠟與黃金
却緣臘雪勒孤芳
等待晴光曬麝囊
小立樹西人不會
東風供我打頭香

春興

窻底梅花瓶底老
瓶邊破硯梅邊好
詩人忽然詩

興來如何見硯不見梅急磨玄圭染霜紙撼落花
鬢浮硯水詩成字字梅樣香却把春風寄誰子

歲之二日欲游翟園以寒風而止

歲前問記翟園梅不知作麼不肯開歲後遣人訪

消息春風一夜花都打老夫聞此喜欲癡小兒終
夕不成眠南烹北果手自飭漆榼銀瓶色相映千
騎朝來填戟門雙旌已復指梅園東風無端動地
起橫作清寒止游子老夫孤悶搔白頭小兒勸翁
々勿愁人言好事莫作意雨妬風憎鬼神忌欲游
不必言阻游不必計從今只揀天色佳走就梅花

求一醉

謝陳希顏患免犯

東郭阿魏馳楊裳清腹不着煙火香
姪娥喚入廣寒殿詔許搗藥不許嘗
金丹煉成紫皇喜玉臼自携銀漢洗
偷將缺吻吸瓊漿蛻盡骨毛作仙子鬢
絲吹落桂枝風人間封作管城公
先生何許得尸解貌如枯蟾帶玄疥
麒麟脯未必如耶律曬犯羞不大先生
錦心冰雪腸銀鈎珠唾千萬章管城奔
命困書園阿魏添身嬉醉鄉老夫去
年左車脫起抄爛飯猶憂之太息再拜謝
阿魏尚堪挂壁繫蛛

塵一飯膳仰齒生津

初三日游翟園

羽衣曉謁玄元殿
霜封萬屋明飛霞
扶桑跳出丹砂丸
光射半天縈紫電
歸塗微暖春衫知
小風不動旗脚垂
老夫掉頭心獨喜
翟園梅花招我嬉
呼兒孌姍且勃窣
纔出譙門寒刮骨
東風十里卷黃塵
眼花頭眩吹倒人
劣到翟園風便止
猿鶴前導花迎門
玉林亭子絕幽絕
江梅千樹吹香雪
茂松軒裏清更清
松風一鼎煎茶聲
春光催柳未肯青
池水借日無留水
殷勤犯寒我不枉
外付勝遊天

豈輕主人看客眼，不自鸚鵡傳呼餉。看核桃花碎
片，點鱸鮓紫茸堆盤，擘鶉腊霜餘橘。顯金彈香雪
底，笋芽玉版色。老夫欲醉金巨羅，輝子先唱驪駒
歌。不羞冷面對風物，柰爾玉笋金柈何。

多稼亭前兩株梅盛開

翟園看梅，滿眼載酒，何曾傾一瓊。空有千株半
未花，欲剪一枝，無可揀。歸來却登多稼亭，王妃驟
降，千娉婷。素羅衣裳，濯瑤水珠宮，梅閣開銀屏。圓
香萬斛，量不盡雲嶺諸峯，互相映身。騎白鳳，繞瓊
林，肝膽透寒骨。毛冷看來，只是兩株梅，如何遺儂。

心眼開花頭密密紛無數萼々枝々砌成樹夕陽
斜照光燭天微風欲度遮無路君不見侯門女兒
真箇癡癡髓熬酥滴北枝又不見畫工兔穎矜好
手冰水和鉛描玉肌先生不能奄有二子者報答
風光只有詩今夕不醉仍無歸

戲題所見

田家不遣兒收豬老烏替作收豬奴不羞卑冗頰
得志草根更與豬爲戲一烏驅豬作轂馱一烏騎
豬作騏驎騎之不穩驅不前坐看頑鈍手無鞭人
與馬牛雖各樣一生同住烏衣巷叱聲啞々喙欲

乾豬竟不曉烏之言駢者不從驅者鬪爭牛訟馬
傍無救豬亦自食仍自行一任兩烏雙鬪爭不緣
一童逐烏起兩烏頃刻鬪至死

梅花下遇小兩

偶來花下聊散策落英滿地珠烏席繞花百匝不
忍歸生怕幽芳怨孤寂仰頭欲折一枝斜自挿白
鬢明烏紗傍人勸我不用許道我滿頭都是花初
來也覺香破鼻頂之無香亦無味虛疑黃昏花欲
睡不知被花薰得醉忽然細雨濕我頭雨落未落
花先愁三點兩點也不惡未要打空花片休

落梅有歎

纔有臘後得春饒，愁見風前作雪飄。
脫纒收將焚粥喫，落英仍好當香燒。

郡治燕堂庭中梅花

林中梅花如隱士，只多野氣無塵庭。
中梅花如貴人也，無野氣也無塵不踈不密隨宜了。
旋落旋開無不好，珠簾遣風細爲吹，畫簷護霜寒更微。
詩翁繞塔未得句，先送詩材與翁語。
有酒如澗誰伴翁，玉雪對飲惟渠儂。
翁欲還家即明發，更爲梅兄留

一月

細雨

孤悶無言獨倚門
梅花細雨欲黃昏
可憐簷滴不脫灑
點之何曾離舊痕

水精脍

上饒靈山無它靈
空山蒲腹著水精
炯然非石亦非玉
乃是陰崖絕壑千秋萬歲之堅冰
只知靈山有爽氣
誰知水精有奇味
詩人新試餐玉方解遣
堅凝作鬆脆銀刀細
下雪縷飛金盤飴出瓊瑤
推齒牙着處霜霰響
殺鯖厭後宵襟開
尊前歡伯來督戰
坐上嘉賓欲驚散
宵中自有水精官
不怕醉

鄉無畔岸

雨後曉起問訊梅花

前日看梅風吹倒昨日看梅雨霑帽近梅一日或
再來遠梅隔年纔一到夜來爲梅愁雨聲挑燈起
坐至天明不知消息平安否早來問訊還疾走橫
枝雨後轉清妍玉容洗粧晨更鮮絕似孤山半峯
雪不羨玉井十丈蓮十事八九不知意人生巧墮
天公計簿書海底白人頭孤負江南風月秋憶昔
少年命同社月裏傳觴梅影下一片花飛落酒中
十分便罰瑠璃鍾如今老病不飲酒梅花也合憐

衰翁

壕上感春

長壕無事不耐靜若非織綃便磨鏡竹君不作五
斗謀風前折腰也如磬先生節裏城上嬉朝游暮
游不肯歸晴空大聲斗作惡萬鴉退飛一鴉落乃
是黑風江北來更將黑雲頭上堆翻手爲晴覆手
雨自晴自雨何須怒先生不妨且覓句挽之不來
推不去坐看梅花一萬枝化成粉蝶作團飛紛紛
掠面收不得稍々積砌次還稀落盡梅花天不管
晚來許寒朝許暖一年待春春不回一年探梅々

不聞春回今纔幾許日梅開如何頻蕭瑟少壯幾
時奈老何落花未抵春愁多

觀小兒戲打春牛

小兒著鞭々土牛學翁打春先打頭黃牛黃蹄白
雙角牧童綠蓑笠青筋今年土脉應雨膏去年不
似今年樂兒聞年登喜不飢牛聞年登愁不肥麥
穗即看雲作帚稻米亦復珠盈斗大田耕盡却耕
山黃牛從此何時閑

謝親戚寄黃雀

萬金家書寄中庭牘背仍題雙掩并不知千里寄

底物白泥紅印三十瓶甕瓶淺染茱萸紫心知親
賓寄鄉味印泥未開出饒水印泥一開香撲鼻江
西山間黃羽衣純綿被體白如脂偶然一念墮世
網身裊雨翼那能飛誤蒙諸公相俎豆月裏花邊
一盃酒先生與渠元不踈兩年眼底不見渠端能
訪我荆溪曲願借前籌酌郵詠

牛尾狸

孤公韻勝冰玉肌字則未聞名李狸誤隨齊相燧
牛尾策勲封作糟丘子之孫世之襲膏梁黃省子
魚鴻鴈行先生試與李狸語有味其須聽取

得小兒壽俊家書

父子初別雙淚垂別我既久忘却思忽得一書喜
且悲恰似向來初別時汝翁在官緣索米吾兒在
家勉經史舉頭二千四百里直山啼鳥偏入耳詩
成自哦只自知便風不敢寄吾兒汝望白雲穿却
眼若得此詩恐腸斷徑須父子早歸田麩茶淡飯
終殘年

書莫讀

書莫讀詩莫吟讀書兩眼枯見骨吟詩箇字嘔出
心人言讀書樂人言吟詩好口叻長作秋蟲聲只

令君瘦令君老君瘦君老且勿論傍人聽之亦煩
惱何如閉目坐齋房下簾掃地自焚香聽風聽雨
都有味健來即行倦來睡

春草

天欲遊人不踏塵一年一換翠茸茵東風猶自嫌
蕭索更遣飛花鋪好春

年々春色屬垂楊金然千絲翠萬行今歲草芽先
得計攪它濃翠奪它黃

春陰

春晴幸好却春陰雲意泫泫半欲霖日色忽開雲

又合急收碎影一簾金

小瓶梅花

梅萼纔開已亂飛不堪雨打更風吹蕭々只隔窻
間紙瓶裏梅花忽不知

夜坐

繡簾無力護東風燭影何曾正當紅獸炭貂裘猶
道冷梅花不易玉霜中
寒宵老眼只長醒蝴蝶頻催夢不成不是三更三
四點如何一睡到天明
燭下和雪折梅

梅兄衝雪來相見雪片滿鬢仍滿面一生梅瘦今
却肥是雪是梅渾不辨喚來燈下細看渠不知真
箇有雪無只見玉顏流汗珠汗珠滿面滴到鬢

鳩銜枝管巢樹間經月不成而去

鳩婦那知自不枝樹陰踈處起樓臺可憐積木如
山樣一楠何曾絮得來

鵲管巢既成爲鳩所據

乾鵲平生浪苦辛一年卜築一番新如何月下空
三匝宅子還將住別人

上元前大雪即晴

臘前三日已竒絕
年後六花仍作團
纔定忽斜偏
有思欲消還凍不勝寒
且留大地萬銀屋
要伴青天孤玉盤
今歲上元君記取
紅燈白月雪中看
郡中上元燈減舊例三之二而

又迎送使客

紅錦芙蓉碧牡丹
今番燈火減前番
雪泥沒膝霜風緊
也有遊人看上元
比使纔歸南使來
前船未送後舡催
元宵行樂年年事
兒女嗔人夜不回
憶昔三衢看上元
玉虹橫貫水精簾
窮州今夕酸

寒殺老眼看來自不悅

兒時行樂幾時愁老去情懷懶出遊市上人家重

時節典釵賣劍買燈毬

不是東風巧剪裁如何春夜碧蓮開江城寂寞無
歌舞喚得梅花勸一盃

雪後樓臺欲暮時遊人只道上燈遲月輪貼在梅

花背錯認梅枝作桂枝

村裏風回市裏聲月中人看雪中燈滿城只道歡

猶少不道燕門冷似冰

郡圃杏花

小樹嫣然一兩枝
暗蘸雨醉總相宜
絕憐欲白仍紅處
政是微開半吐時
得幸東風無與對
主張春色更還誰
海棠穠麗梅花淡
匹似渠儂別樣奇
迫出千花合受降
不然受拜亦何妨
行穿小樹尋暗朶
自挽芳條嗅暖香
却恨來時差已晚
不如清曉看新粧
朗吟清露溫風句
惱殺詩翁只斷腸

華鏜秀女著六經解以長句

書後

河圖三畫已剩却
堯典萬言猶欠著
向來潛聖天何言
六經非渠一手作
杏花壇下撥不開
天公更

遣麒麟催乾坤造化登青竹洙泗光芒付綠苔堂
上書生真苦相囊簡嚼穿渾不放屋上架屋更屋
上後千萬年作何樣華元夜登子反床華鏜晨趨
孔子堂當時浪說朽骸骨今日覃思彫肺腸華君
將身博凍餒毛穎可憐彼何罪君不見老農驅牛
耕壠頭稻雲割盡牛亦休毛穎爲君禿盡髮問君
何時放渠歇短檠青燈明後滅

上元後猶寒

雪後不妨寒較差莫教一併放千花舊來池上金
絲柳新學江西鷹爪茶

道是春工做物華春工元自由它杏花只作春
年面萱草別抽今歲芽

夜觀庭中梅花

霧質雲爲屋瓊層玉作裳花明不是月夜靜偶聞
香

春夜孤坐

兒女鞦韆鼻息聲虛堂誰伴一先生春寒夜靜燈
花落數盡殘更睡不成

梅花雪後杏花風老面逢春只強紅詩句行來行
去裏情懷不醉不醒中

老來覓句苦難成，細把風竹鏤薄冰。行到長廊人
寂，七隔窗一點讀書燈。

休日城上

到得荆溪鬢盡斑，二年心力不曾閑。如今歸去無
餘戀，只有梅花慘別顏。

休日呼兒上古城，胡床何處不隨行。莫嫌一陣東
風惡，分外教他數日晴。
望中遠樹各依行，春後新晴未斷霜。池面得風呈
縞碧，梅鬢經雨褪危黃。

多稼亭看梅

先生次第即還家更上城頭一望賒行盡荒寒無
意思不如來此看梅花
梅花不合太爭春政盛開時却惱人試折一枝輕
着手驚飛萬點撲衣巾

鐻白

莫把菱花鐻白髭勸君留取伴吟詩錦囊若要添
新句繡口如何減素絲

東窻梅影上有寒雀往來

梅花寒雀不須摹日影描窻作畫圖寒雀解飛花
解舞君看此畫古今無

瑞香

買斷春光與曉晴幽香逸豔獨娉之齊開忽作樂
枝錦未坼猶疑紫素馨絕愛小花和月露折將一
朶篆銀瓶今年偶憶年時句倦倚彫欄酒半醒

燒香

小閣踈櫺春晝長沉煙半穗弄輕黃老鈴略不知
人意故之舉簾放出香

看畫常州圖迎新太守

畫工吮筆畫常州老子來看却自羞若遣此圖還
解語道儂調戲幾君侯

風急落梅

梅花已是不勝癯無賴東風特地麤狼藉玉英渾
不惜強留嬌蒂與枯鬚

探春

五日纔能一日來眼生方覺有春回向來日七頻
來探只道園花不肯開

晚晴

風收點滴曉簷聲雲放朦朧晚日明楊柳染絲纔
喜雨梅花泣玉却初晴

先生老態似枯禪解后東風也欲顛纔雨便晴寒

便暖四時佳處是春天

理髮

髮脫心知不再生
新年底急頓星星
城邊老柳也欺我
春裏滿頭依舊青

晚照

閑對斜陽數源塵
何曾萬事一關身
湯瓶得火自相語
酒琖爲人先作春

新除廣東常平之節感思書懷

已愧雙旌古晉陵
更堪一節古羊城
偶逢舊治年頓熟
忽署新銜手尚生
山與君恩誰是重
身如杖

葉不勝輕向來百鍊今統指一寸丹心白日明

苾璽

此薑馨辣最佳蔬孫苾芳辛不讓渠蟹眼嫩湯微
熟了搗兒新酒未醒初振香醋醞作三友露葉霜
芽知幾鋤自笑枯腸成破甕一生只解貯寒菹

正月將晦繁星滿天

兔冷蟾寒不出時羣仙無睡尚遊嬉可憐深夜無
燈火碧玉枰前暗著棊

辭滿代者未至

一毫來此恰三年到得終更分外難老眼看燈渾

作暈愁心得酒不成歡

試毗陵周壽墨池樣筆

舊來雞距說宣城
邇來墨池說毗陵
不知阿誰喜柔懦
毛穎只今泥樣軟
筆頭政要挽千鈞
渠自無力隨人轉
兔尖如針利如錐
方能矧出抉石猊
少年免冠已禿鬢
老忒種々將奚爲
就中周壽差可意
銳頭將軍殊解事
銛鋒不用洮州礪
剛腸頗學汲都尉
先生焚香坐明牕
中書奮髯蝟毛張
願翻墨汁詩戰場
先生一揮十萬行
梅花微笑看旁
吾詩雖非雲錦章
中有梅花玉雪香

春寒初晴

峭寒穿屋透衣裳，欺得詩人兩鬢秋。
從此莫教三日暖，花開花落却成愁。

柳色

春到四經旬，元來未見春。
柳條將軟碧，爭敵上番新。

行圃

摘杞搜枯梗，攀花脫脆包。
蝶呈新樣粉，柳送隔城梢。

澹天薄日倦春遊，蒼檜叢篁引逕幽。
忽有小風人

未覺薺花無數總搖頭

春半聞歸鴈

春光深淺没人知我正南歸鴈北歸頭上一聲如
話別一生長是背人飛

毗陵辭滿出舍添倅廳

小住承廳更一旬客魂先入故鄉春未離鼓角聲
中夢已是燕門外面人

寓倅廳寒夜不寐

不堪斜雨打虛牕只願晴陽送曉光自是老人眠
不着迤來春夜幾曾長樓頭吹動梅花曲夢裏猶

疑燕寢香道是官居如客舍等閑一宿兩年強

春望

春光放盡百花房
開到林檎與海棠
青却子城干樹柳
高枝猶有一梢黃

掠削嬌雲放嫩晴
三朝五日即清明
垂楊幸自風流殺
莫着啼鳥只着鶯

送醫家孟宗良漢卿

醫家者流多廬人
亦如許褚浪得名
有眼何曾識內經
有手何曾赦方兄
一丸足可殺一命
却道良醫逢死病
荆溪此輩端不稀
向來吾兒命如絲
孟

君談笑能起死吾兒更生一彈指我今挂帆上江
西君來送我別荆溪贈別只有七字詩千萬珍重
耐相思它年荆溪說神醫非吾孟君更阿誰倉公
華佗何必奇

遊翟園

花枝芳相挂人衣蜂子顛狂觸面皮一蒼海棠千
架錦兩堤楊柳萬窩絲

柔風軟日斬新晴醞白嬌紅鼎盛春借問主人何
處去春光分付守園人

翟園從此即相辭園裏春歸我亦歸蜂踏殘花客

易落蝶隨數片往來飛

上印有日代者未至

不是新人不肯來天教老子小徘徊坐看桃李續
紛落等得醅醖爛熳開

嘉定元年春三月男

長孺

編定

端平元年夏五月門人羅

茂良

校正

誠齋集卷第十二終

海濱集卷之五

...

...

...

...

...

...

...

...

...

...